



**AGENSI ANTIDADAH KEBANGSAAN (AADK)  
KEMENTERIAN DALAM NEGERI**

---

**KENYATAAN MEDIA**

**UNTUK SIARAN SEGERA**

**MISI BANTUAN PASCA BANJIR OLEH SKUAD ANTIDADAH AADK DIPERLUASKAN DI SELURUH NEGARA**

Misi bantuan pasca banjir yang digerakkan Agensi Antidadah Kebangsaan (AADK) menerusi sukarelawan Skuad Antidadah AADK diperluas di seluruh negara khususnya di negeri-negeri yang terjejas teruk akibat bencana alam tersebut.

Inisiatif tersebut merupakan salah satu tanggungjawab sosial korporat (CSR) AADK dalam usaha membantu dan meringankan beban dihadapi mangsa banjir susulan hujan lebat berterusan dalam tempoh 24 jam sejak 17 Disember 2021.

Pada peringkat awal misi kemanusiaan bantuan pasca banjir oleh Skuad Antidadah AADK dilaksanakan di sekitar Kuala Lumpur dan Selangor terutamanya di kawasan Klang, Shah Alam dan Hulu Langat.

Namun begitu, berikutan bencana banjir telah melanda di beberapa buah negeri dan atas dasar keprihatinan dan kemanusiaan, Skuad Antidadah AADK segera diperluas dan digerakkan bagi kerja-kerja sukarelawan pasca banjir.

Direkodkan, setakat 6 Januari lalu, sebanyak 475 sukarelawan Skuad Antidadah AADK digerakkan di seluruh negara bagi melancarkan misi bantuan pasca banjir melibatkan beberapa kawasan di Lembah Klang, Selangor, Pahang, Negeri Sembilan, Perak dan Kelantan.

Bagi Skuad Antidadah Seberang Prai Tengah Pulau Pinang, meskipun tidak dilanda banjir namun, khidmat masyarakat tetap diteruskan yang mana Skuad Antidadah daerah berkenaan digerakkan ke negeri-negeri terjejas banjir seperti Bentong, Pahang dan Taman Sri Muda, Shah Alam, Selangor.

Dalam pada itu, Skuad Antidadah AADK Kedah juga mengambil inisiatif turun padang melaksanakan misi bantuan pasca banjir di Temerloh, Pahang yang turut disertai YB Dato' Sri Dr Haji Ismail bin Haji Mohamed Said, Timbalan Menteri Dalam Negeri I.

*Lebih Baik Cegah*

**#DadahTerkawal2025**



[WWW.ADK.GOV.MY](http://WWW.ADK.GOV.MY)



[AGENSIANTIDADAHKEBANGSAANMALAYSIA](https://www.facebook.com/AGENSIANTIDADAHKEBANGSAANMALAYSIA)



[AADK.MALAYSIA](https://www.instagram.com/AADK.MALAYSIA)



[AADKMALAYSIA](https://twitter.com/AADKMALAYSIA)



[MRAADK](https://www.youtube.com/MRAADK)

HOTLINE AADK



03-8911 2233



019 626 2233

Selain operasi pembersihan di sekitar kawasan dan kediaman penduduk terjejas, YB Dato' Sri Dr Haji Ismail bersama Skuad Antidadah AADK Kedah turut mengagihkan bantuan barangan kepada kira-kira 300 keluarga. Ini termasuklah, sumbangan wang tunai kepada anak-anak yatim, muafak dan guru Kelas al-Quran dan Fardhu Ain (KAFA).

Selain proaktif menambah jumlah keanggotaan sukarelawan, kekuatan Skuad Antidadah juga terus diperkuatkan khususnya melibatkan aspek kesiapsiagaan, skop tugas yang sistematik dan penyediaan keperluan mengikut situasi semasa di lokasi yang terkesan dengan bencana alam tersebut.

Sehubungan itu, pihak AADK amat mengalu-alukan orang ramai menyertai Skuad Antidadah bagi memperkasakan peranan masyarakat untuk saling membantu menyampaikan kempen antidadah selain menyumbang bakti dalam aktiviti kemasyarakatan.

Diharapkan menerusi usaha kecil seumpama ini, Skuad Antidadah terus proaktif mengembleng tenaga menjalankan operasi pembersihan rumah penduduk yang terjejas akibat banjir, sekali gus menyantuni mereka menerusi agihan bantuan makanan, barangan asas dan memberi sokongan moral.

Justeru, orang ramai yang ingin menyertai sukarelawan Skuad Antidadah kini boleh mendaftar secara dalam talian dengan mengimbas kod QR atau klik pautan borang, <https://forms.gle/Ca8N75os6HSGXZxP9> yang tertera di semua platform media sosial AADK.

- TAMAT -

AGENSI ANTIDADAH KEBANGSAAN  
KEMENTERIAN DALAM NEGERI

TEMERLOH, PAHANG  
6 JANUARI 2022  
Bil. 1/2022

*Lebih Baik Cegah*

#DadahTerkawal2025



WWW.ADK.GOV.MY



AGENSANTIDADAHKEBANGSAANMALAYSIA



AADK.MALAYSIA



AADKMALAYSIA



MRAADK

HOTLINE AADK



03-8911 2233



019 626 2233